

清·方略館 編

清代 方略 全書

北京圖書館出版社



清代方略全書

一六一

清·方略館編

北京圖書館出版社

清·奕訢等撰

欽定剿平捻匪方略

卷二一——二二一

清同治十一年（一八七二）鉛印本

欽定剿平捻匪方略卷二百十一 甲子年



二月初五日 丙子 毛昶熙奏言現在汝陽正陽境

內漸次肅清惟息縣新蔡地方仍有捻圩宜乘

此兵力剿捕淨盡連日催飭各營次第南移進

紮息境 臣亦定於二月初三日親赴息縣就近

調度息境一定則新蔡餘匪自可一氣掃除奏

上

上諭曰該侍郎現擬移紮息境著卽激勵兵團將息

縣新蔡捻圩一律掃蕩

毛昶熙又奏言查河南團練事宜蒙

恩飭交撫臣督辦地方大吏易於控制實足防流弊

而一事權現在汝正肅清新息各匪計日亦可

蕩平所有全省團練事宜應先行遵

旨移交撫臣接管臣卽前往息縣督飭現有隊伍專

心勦辦新息各匪一俟事竣卽行回京供職奏

入報

聞

初八日己卯官文嚴樹森奏言查皖捻王廷幹等

勾結豫南汝正新息各匪並苗逆餘黨於信陽

州解圍後竄至州南圍攻應山之三關經臣等

派總兵趙克彰等由德安馳援該逆遂繞越三

關關入楚北隨州之小林店經該處鄉團擊走
回竄桐柏隨州等處適趙克彰派參將彭怡盛
馳抵隨州該逆卽回竄桐柏之平氏鎮汝捻陳
大禧一股由盤古山擁衆南趨與竄平氏鎮之
捻會合圖犯鄂境襲踞隨州之新城民寨上年
十二月二十二日賊前隊竄至厲山店其大股
南竄泰山廟一帶二十五日圍隨州東西北三

面參將彭怡盛等敗賊於擂鼓墩二十七日賊
再攻城知州潘亮功督勇擊退賊悉向十里鋪
浙河店竄去維時王桐柏率馬步馳援遇賊於
王家廟擊斃悍賊多名正月初八日賊分三路
直撲隨州知州潘亮功會營迎勦都司鄧榮升
以大礮擊之斃賊無數悉由茶庵西竄其衝至
三里廟一帶之賊亦經趙克彰督兵擊敗賊由

厲山竄赴環潭偏近棗陽

臣

等查陳大禧爲皖

匪一大支現在旣竄棗陽毗連安陸府境已派

周鳳山五營前出安郡迎頭截擊隨州應城已

有重兵若由東南進攻適以偏其西竄現飭王

桐柏一軍拔抵隨州之西二十里鋪茶庵等處

成大吉一軍留示隊守德安以八成隊由實

莊店王家店以達均川梁洪勝一軍走巡檢司

岐山團橫抵平壩宋河援應前敵各軍兼顧京
山鍾祥一路其趙克彰仍駐高城扼其東竄應
山之路並飭石清吉駐孝感縣之小河司以防
北竄似此三面進剿或可大挫兇鋒惟漢南髮
逆意圖下竄藍二逆嘯聚鄖西難保不會合紛
竄逆燄方張隱憂益切已飭各營審度戰守機
宜先保完善之區再行節節掃蕩出境剿辦奏

上命議政王軍機大臣傳諭僧格林沁官文吳棠嚴
樹森張之萬曰皖捻王庭幹等由信陽一帶闖入
隨州之小林店經楚省兵團擊走回竄桐柏之平
氏鎮汝捻陳大禧與平氏鎮之捻會合圍撲隨州
亦經楚軍擊敗現竄棗陽著官文嚴樹森督飭周
鳳山趙克彰等將棗陽等處捻衆悉數殲除前據

張之萬奏皖匪由桐泌竄隨州之新城集嚴飭黃
貴誠尹嘉賓圖塔納拔隊追擊何以並未出境會
勦著卽責令該員等實力進勦不得強分畛域以
鄰爲壑如再不知愧奮卽行嚴叅治罪以儆玩泄
豫省張總愚一股未滅陳大禧一股亦恐被擊回
竄實有防不勝防之勢僧格林沁能否酌量帶兵
進紮南陽一帶著妥籌辦理迅速具奏陳國瑞患

病是否痊愈所部四千人皆素經行陣屢著戰功
河南現在兵微將寡僧格林沁進駐豫省後若得
陳國瑞歸其調遣可資得力著僧格林沁吳棠會
同妥商調派或陳國瑞一軍能先赴豫卽由張之
萬派赴前敵扼要駐紮以資防剿將來僧格林沁
到豫統歸該大臣調度此數省邊防均形喫重該
大臣忠勇夙著務須通盤籌畫力顧大局用慰廑

繫

十一日

壬午

張之萬毛昶熙奏言查王庭幹本係

老捻爲各寨所觀望進日震懾軍威來營乞降

經臣毛昶熙飭吳元炳等暫時羈縻使之捻拏

各匪助攻寨堡以爲自贖之地王庭幹隨卽薙

髮效命爲我前驅時我軍屢攻黃梅寒寨未克

正月十五日子刻侍講吳元炳知府劉成忠副

將范文英參將王文行等陸續進剿環攻竟日
至十六日丑刻始將該寨攻克餘匪奔入黃家
岡朱振聲兩寨我軍乘勝進攻派副將范文英
攻黃家岡寨參將王文行攻朱振聲寨十九日
范文英帶隊至黃家岡寨濠外奮勇登牆砍斃
悍賊多名將擒首黃幟殺斃並殺拒敵賊目二
十餘名敗匪踰牆而遁我軍追而殲之遂將黃

家岡攻克是日王文行督率各軍合力進剿亦將朱振聲寨攻克吳元炳復派參將邵春仁都司王漢章等乘夜進兵將南路趙長久寨李瞎子寨余敏寨先後攻下當邵春仁等之攻趙寨也同時又派副將范文英等馬步各隊前往北路攻陳樓寨路經司灣寨破之復整隊至陳樓寨四面環攻翻牆進寨砍斃三百餘人生擒陳

小運王豬娃二名正法當將陳樓寨平毀現在
我軍已深入息縣境內數十里該處伏莽尙多
臣毛永熙仍督飭各軍乘勝進剿迅圖掃蕩出
力員弁兵勇先行存記俟肅清後彙案請獎
張之萬又奏言李青店踞匪被困窮蹙屢思鋌
險出竄疊經葛承霖等在北路擊退復圖南竄
分股在白土岡一帶肆擾臣飛檄副都統善慶